

Celebrando 50 Aniversario di ING FATUM



Prome oficina di ING Fatum na Aruba a habri na 1948 riba segundo piso di e edificio di Wimco.

ORANJESTAD - Dia 24 di April, ING Fatum, e compania di seguro mas bieu y mas grandi den Antiyas Hulandes y na Aruba, lo celebra e di 50 aniversario di nan establecimiento na Aruba. E fecha importante aki ta marca cinco decada di cambio y crecimiento constante pa ING Fatum tanto local como internacionalmente. Mientras e ta un dia special pa reflexiona riba logronan anterior, e aniversario aki ta alaves un bon ocasion pa concentra riba desaroyonan reciente y plannan pa futuro na ING Fatum y den henter industria di

seguro. **Capacidad y conocimiento internacional, y raisnan local:** E storia di ING Fatum na Aruba a cuminsa cincuenta aña pasa na e di dos piso di un oficina den Caya G.F. Croes 60 riba unda antes tabata e tienda di Wimco. Danki na e crecimiento economico cu a explota despues di guera y danki na un reputacion solido na Curaçao y na Hulanda, Aruba su unico agencia di seguro, cu e tempo ey tabata opera bou e nomber "FATUM" de Nederlanden van 1845" a expande hopi lihe. E compania a

muda pa su propio edificio mas pariba den caya grandi na aña 1968. E edificio ultra moderno di ING Fatum riba L.G. Smith Blvd. a worde inaugura na aña 1993, dunando e compania progresivo aki un look cu ta pas cu su filosofia, luga pa crece y drenta e siguiente siglo.

Na 1991, Nationale-Nederlanden, den cual Fatum tabata incorpora, a forma un consorcio cu NMB Postspaarbank na Hulanda. Di e manera aki, Fatum a pasa pa forma parti di e Internationale Nederlanden Group. Mas despues a cambia e nomber di e companianan di seguró na Antiyas y Aruba pa ING Fatum. Awe, ING Fatum ta emplea mas cu 55 persona na Aruba, hunto cu casi 180 miembro di personal na Curaçao, mas oficinanan na St. Maarten y Boneiro, loke ta duna e compania internacional aki un presencia fuerte y recursionan considerabel den henter e region. ING Fatum Aruba ta un parti masha chikito di e red di servicionan financiero di Internationale Nederlanden Group, cu aworaki ta duna trabou na mas cu 64,000 hende rond mundo. Sinembargo, e afiliacion internacional aki ta genera hopi beneficio, loke ta crea e posibilidad pa e compania crece na un



Un bista interior di e prome oficina, cu e empleadonan di e tempo ey.

sistema eficaz riba e mercado local.

Relacionnan importante: ING Fatum tin raiznan hopi hundo den e comunidad Arubano, un forsa cu e compania ta accentua cu su lema "Kico cu pasa". E expresion cortico y directo aki ta describi no solamente e varios sorto di seguro cu e compania ta ofrece, pero ta accentua un filosofia cu ta pone enfasis riba un servicio berdaderamente hat. pa, y orienta riba e cliente, ademas di un liña extensivo di productonan flexibel di seguro.

E enfasis aki riba e cliente su necesidadnan ta basa riba un operacion masha di serca cu nan

"broker". ING Fatum ta sirbi Aruba su mercado di seguro pa medio di un red di brokerman di seguro independiente, altamente profesional. E brokerman aki ta hunga un papel crucial den dunamento di servicio na clientenan. Segun Diego Fränkel, general manager pa mercadeo y benta pa e region Caribense, "Mas serca bo ta di bo clientenan, mas importante e cooperacion cu e brokerman ta bira. ING Fatum ta considera su brokerman manera partnernan totalmente cualifica kendenan ta bon na haltura di e productonan cu ING Fatum ta desaroya y ta ofrece. Hunto, nos

Sigui lesa 39



Pabien



ING  FATUM

Kico cu pasa

JOSSY MOTORS